

## 廣度品第十九

|       |       |
|-------|-------|
| 獨為一切護 | 獨為世間師 |
| 為天人為導 | 號佛天中天 |
| 長夜在塵勞 | 久處昏眠者 |
| 擊正法之鼓 | 以寤所應度 |
| 五岳所擁繞 | 羅閱祇城中 |
| 度王弟攏黑 | 及群眾八萬 |
| 長者號勇猛 | 慳垢蔽其目 |
| 先濟化炎光 | 并度醫耆域 |
| 王舍城國內 | 迦羅衛首家 |
| 世尊光踰日 | 小火欲焚佛 |
| 法雨洗其心 | 三垢之盛火 |
| 毒飯及塵冥 | 一時普消殄 |
| 隨提大國中 | 達士如梵天 |
| 度名聞梵志 | 號曰梵摩踰 |

|       |       |
|-------|-------|
| 香特大國王 | 目如紺蓮葉 |
| 為解六種法 | 令覺正見諦 |
| 有山名道術 | 特顯如金山 |
| 心淨有智慧 | 沐浴俗解脫 |
| 有十六梵志 | 號曰度彼岸 |
| 及餘六萬人 | 同時皆得道 |
| 時眾祐福田 | 往詣處聚中 |
| 於時彼聚中 | 有大姓梵志 |
| 有名聞重齒 | 時欲大祠祀 |
| 斷祠祀疑網 | 立之於正路 |
| 時在隨提山 | 帝釋石室中 |
| 時佛處其中 | 不動如太山 |
| 天樂般遮翼 | 歌頌覺寤佛 |
| 以清淨甘露 | 飲天王帝釋 |
| 懷害多瞋怒 | 捷疾甚暴風 |
| 小指為額鬘 | 迷惑癡狂走 |

害如閻羅王  
神足以調化  
又於安屈界  
狐疑所纏結  
與三百門徒  
截其塵勞結  
頭上火炎然  
瞋怒銜下脣  
身都放火炎  
以言滅曠野  
身大如青雲  
體大亦如是  
懷害吐毒氣  
視神力斯須  
於大宅聚中  
先度善昏眠

梵志驚掘魔  
凶暴難調者  
梵志名戒慎  
絕斷其狐疑  
從苦得解脫  
令永無有餘  
口中亦吐火  
撩擲火燒然  
猶如劫盡燒  
阿臘鬼神火  
電光晃斑駁  
飾以金瓔珞  
霹靂雹石緻  
滅無苗龍毒  
化童子拜守  
野城化手授

拘睒尼所濟  
於羅閱城國  
維耶離所度  
葉耳惡鬼神  
師子力已下  
又化劫賓菟  
於野畜繁山  
地時度白轉  
退守於雙林  
化梵志無畏  
又化優波先  
又度聽受等  
化不蘭弟子  
濟五百釋種  
於清林村落  
無特度二百

無畏及令者  
化梵志無嫌  
食肉蔽羅剎  
俱化令度脫  
化度四千人  
及四千童子  
化太子道德  
所生化濟使  
生聽於舍衛  
及無數大眾  
五百將從俱  
及五百梵志  
有五百賈人  
皆令作沙門  
化度二百人  
會同度五百

|       |       |
|-------|-------|
| 又於億傳村 | 化度八十人 |
| 此滿度六百 | 隨提聚五十 |
| 諸天四天王 | 大力護世間 |
| 勢力如谷水 | 恚害如流波 |
| 以其越呪教 | 為說四聖諦 |
| 極乃能解達 | 立之八正路 |
| 諸賢士等輩 | 二十八鬼神 |
| 將軍凶弊惡 | 犯燒人魂魄 |
| 居雪山鬼神 | 豎毛多瞋怒 |
| 刺毛甚弊惡 | 佛滅其恚害 |
| 女神諸鬼母 | 厥名曰取去 |
| 食世間無數 | 嬰孩抱上子 |
| 最小子愛作 | 佛取藏鉢覆 |
| 母行方便求 | 狂走來詣佛 |
| 佛問愛子耶 | 世人亦愛子 |
| 若能慈不殺 | 吾當示汝子 |

|       |       |
|-------|-------|
| 即從教受戒 | 執慈不復殺 |
| 與子歸詣佛 | 如江河歸海 |
| 將男女甚多 | 鬼男女亦眾 |
| 孫息諸男女 | 無數塞野澤 |
| 於祇樹之中 | 化諸鬼子母 |
| 將從無數眾 | 佛授以正法 |
| 隨提國沙門 | 度脫四十人 |
| 四方士沙門 | 又度三百人 |
| 度簇髮梵志 | 徒黨四千人 |
| 有勇進梵志 | 又復度千人 |
| 如化舍利弗 | 精進者無數 |
| 以化槃特法 | 軟意教亦爾 |
| 又如安庠法 | 化無數善人 |
| 化羅旬孺法 | 度諸薄福者 |
| 如化賢良法 | 度無數貴人 |
| 以化廁士方 | 度無數賤人 |

|       |       |
|-------|-------|
| 如化迦葉術 | 度無數調良 |
| 如化迦樓陀 | 無數放逸人 |
| 如化善除法 | 所度無央數 |
| 以化貴姓法 | 聚度亦無數 |
| 因度占波法 | 度諸占相師 |
| 如迦葉比類 | 化曉迎意者 |
| 舍衛城門中 | 逢五百異學 |
| 化以火圍繞 | 方便度脫之 |
| 現神足變化 | 度鬱鞞迦葉 |
| 以威神降伏 | 梵志名快諦 |
| 審諦與阿踐 | 及無苗龍王 |
| 并言談長者 | 皆急疾力化 |
| 或如鷲掘魔 | 捨走而以化 |
| 如化香持王 | 迎逆煩意度 |
| 以若干方便 | 接度其弟難 |
| 度梵志因頭 | 佛從因化出 |

|       |       |
|-------|-------|
| 變現身為鹿 | 濟度野獵師 |
| 五百釋種獵 | 化其箭為花 |
| 化醉如郁伽 | 度嚴飾如綵 |
| 以度憍悵方 | 濟諸奢憍者 |
| 化難動迦葉 | 逆不受其施 |
| 以若干方便 | 行調度眾生 |
| 長齒與黑子 | 吉瓶及造作 |
| 諸國弊鬼神 | 佛之所教化 |
| 上昇及深奧 | 江施與形像 |
| 至牢山鬼神 | 化於普廣山 |
| 度明珠齒鬼 | 花齒鬼第二 |
| 千目及青眼 | 法度與赤色 |
| 嬰耳及花耳 | 大力甚貢高 |
| 大深山谷中 | 化是諸鬼神 |
| 佛至大吼國 | 度諸優婆塞 |
| 立之不還道 | 凡有百五十 |

|       |       |
|-------|-------|
| 建往還道者 | 有二百五十 |
| 須陀洹道者 | 具滿五百人 |
| 所向及喜嘆 | 嘆者樂花開 |
| 聽善性及霧 | 吉善來充溢 |
| 稱滿及善覺 | 仲隱光含笑 |
| 牛勝繫長頸 | 未發并泉作 |
| 如是等羅漢 | 同一有五百 |
| 略說其端首 | 度者無央數 |
| 或以柔軟教 | 或以麤穢辭 |
| 或以剛柔調 | 佛盡教化之 |
| 調達之所放 | 狂醉於王舍 |
| 佛所化迷惑 | 醉象名財守 |
| 時於城門外 | 佛見猛師子 |
| 好目視世尊 | 佛記當得佛 |
| 於帝釋石室 | 降化猛特牛 |
| 曠野中諸應 | 為下生天種 |

|       |       |
|-------|-------|
| 時不具城中 | 兩初生虎子 |
| 得慈心於佛 | 及與千飛鳥 |
| 鸚鵡及孔雀 | 豺豹并維羅 |
| 龜鼈與毒蛇 | 鸚鵡及奢立 |
| 鴿雀及與鳥 | 乃至至蝦蟇 |
| 是等蒙恃怙 | 皆得生天上 |
| 裸形入海水 | 可浮得彼岸 |
| 日有千光明 | 可以手掌障 |
| 佛諸經深義 | 廣博微妙句 |
| 一切諸聖師 | 莫有能究盡 |
| 無數諸天樂 | 無量諸聖神 |
| 無邊空中露 | 無底山地祇 |
| 無數水樹神 | 無數地天人 |
| 所度無央數 | 先世所願具 |
| 猶佛得願具 | 眾聖天人師 |
| 亦充天世人 | 所求之善願 |

亦願使一切  
其學是經者  
諸天執樂神  
是等聞佛經  
見佛受化者  
是等護國土  
有形眾生類  
令入泥洹城  
龍鬼阿須倫  
逮服甘露藥  
世間今故有  
災患永消亡